

中華律藏

中華律藏

第二十九卷

歷代大藏經律部文獻・中國撰述（二十）

國家圖書館出版社

梵網經記序

如來所說梵網經菩薩心地戒品西天譯經三藏法師羅什奉詔所譯蓋大本中一品也其在大藏與菩薩地持經同安字函中凡持此經者有五種功德或十萬佛愍念常守護或命終時正見心歡喜或生生處處為淨菩薩友或功德聚戒度悉成就或今後世性戒福慧滿此是佛行處智者善思察噫如來大誓願故神通力故慈憫有情故誠實不虛石壁與法師信之為允力於是撰述記文遠延日國愚菴照公從大宋國得此本以示予予頗喜讚嘆即於賀茂佛光山禪堂院騰寫以樂同心道俗伏願見聞隨喜種知足之因讀誦思惟證慈尊之法印轉相曉悟共脫沈淪

承久三年十一月下旬

賀茂佛光山禪堂院沙門高辨

謹防一併防

此一作且

梵網經記卷上序

北京石壁寺沙門 傳真 述

波羅提木叉者菩薩之師也片善必錄纖瑕必懲退禦機微進防言行為萬德之階陞作十身之泉源故得蓮藏親宣千華轉受學者之要亦宜乎然自濫觴姚秦綿歷遐代派諸天下雷風寔多其於旨趣鮮有知者雖古德著疏文廣義豐致令後徒思而不學此方釋子多習大乘雖受假聲聞而行兼菩薩寡尤寡悔誠在深知不有發揮終難措趾故於廣疏略此別行有不同者頗為改易曠申庸鄙以繫全文荷獲其妙則筌蹄可云矣

歸命三世佛 滿字修多羅 十方菩薩僧

慈悲見加護 我今略讚述 波羅提木叉

普利諸群生 令向菩提道

釋此菩薩戒經大分為二初釋題目

梵網經盧舍那佛說心地法門品菩薩戒本

釋曰曲分為二初三字是一部之都名梵網兩字是論也梵謂梵王具云梵覺摩此云極淨離欲機



一總之字○
門下有之字

惡得極淨名網即彼天之幢網以彼持此至佛會
中供養聽法時佛見之因取爲論論有通別通者
論情器差別佛教被此亦所不同故下文曰於寂
滅道場坐金剛華光王座乃至摩醯首羅天王宮
其中次第十住處所說時佛觀諸大梵王網羅幢
因爲說無量世界猶如網孔一一世界各各不同
別異無量佛教門亦復如是別者論菩薩三聚淨
戒一論攝律儀戒如網羅樹禽穢不侵二論攝善
法戒如樹得羅網華果繁實此二相資三論攝衆
生戒如張網在河旁魚出岸然準下文所說佛於
菩提樹下乃至色究竟天都說十會法門前九即
是通論之所論第十即是別論之所論也又通必
該別別不該通經者論中一分之所論也義有多
門常法貫攝如常所談二盧舍那下是當品之別
目於中又有總別總即一品之總名別則品內別
義今初盧舍那佛即能說之主也盧舍那此云滿
淨一切障染若麤若細無不盡故佛者梵音具云
佛陀此云覺者謂滿淨之覺者覺即是人揀餘二

妙一作如

乘菩薩是分淨之覺人故今存梵之略但云佛也
然準梵本即云毗盧遮那此云光明徧照謂身智
二光內外俱照故然前約障離此約德顯義雖兩
途理歸一致心地法門品者具有六十一品此揀
非餘也心即所修所發之心所謂信等五十心也
地即所依所成之地位謂三地也地前總名信行
地見道名淨心地修道已上通名如來地地有生
成荷載之義故以論之此三地中能生能載諸功
德故無非妙軌爲法賢聖通遊曰門類別不同故
稱爲品二菩薩戒本者即此品內之別義也以應
更有諸義理故不爾品下何須別標菩薩之義如
常所釋戒者孝順義制止義廣下說明本者菩薩
之根源故戒即是本持業釋也菩薩之戒本依主
釋也若望果而論亦爲佛本故下文云諸佛之本
源行菩薩道之根本今約當機且言菩薩亦可輕
重二戒未盡戒條以略言之略爲廣本故下每節
皆指廣文如八萬威儀品等又智論曰略有八萬
廣有塵沙將知此者蓋略中之略也下云如毛頭

一
無本文二

許然天地春秋知乎一葉圓機對此足反三隅然此題中有兩重總別詳之可知斯則法論雙彰師教兼舉詮旨齊立總別俱名文簡理周以冠篇首故云梵網等也然汎論菩薩戒具本什公相傳曰西域有十萬頌六十一品若具翻譯應成三百餘卷以什公持菩薩戒偏誦一心地法門品略明菩薩戒相既至此土時當姚興翻譯經論五十餘部最後於逍遙園中譯出此經也時弘始三季其餘廣部未達此方釋題目已竟

自下第二釋本文本文三初戒起所從分二對緣正證分三結勸流通分前中二初長行後重頌前中二初總標本末廣略後別明真化源流前中二初正明

爾時盧舍那佛爲此大衆略開百千恒河沙不可說法門中心地如毛頭許

釋曰爾時者爾猶常也卽當舍那於華藏界中付傳釋迦之時也盧舍那佛者能說之主也卽應之眞略如前說爲此大衆卽地前三賢及諸凡夫也

略開下卽所說之法也略少也恒河之事同諸處說不可說者卽華嚴中云大數意明一沙爲一不可說直有百千箇恒沙數乃至不可說此爲能數之數法門卽所數之法直有爾所法門皆是會那之所說也心地如毛頭許者謂於廣多法中略說少許論如毛頭以被地前之衆也問何不盡說乃略說也答善慧位中尙不能受雲雨之法況斗屑之器而能有巨海之量哉故不可也此乃約本望末懸指地前謂舍那親授彼衆彼衆是釋迦化身親所被故斯則約主會時乃知是蓮藏之時以法取衆方知是地前之衆但是釋迦如來序致於此也下文亦然斯則大開法門示其少法如開國庫唯賜一金二顯證

是過去一切佛已說未來佛當說現在佛今說三世菩薩已學當學今學

釋曰既諸佛同說菩薩皆學當知非謬亦知殊勝冀諸達者見賢思齊聖所云爾不徒然也二別明眞化源流文二初明眞佛按法垂教後明化佛乘

命傳通前中二初畢自修證

我已百劫修行是心地號吾爲盧舍那

釋曰我卽盧舍那隨世所稱亦兼具法身自在百劫卽修行時分時實無量大數言百是心地所修之法盧舍那卽所求之果多劫修此障盡德圓故致此果耳前雖通證尙恐未信今引已別證足可信也然欲令他修學故先顯自所德斯則承前已說已學者也此則今說下令當學二令轉誨人既自證無上道亦以此度衆生蓋大士之行也文二初略標

汝諸佛轉我所說與一切衆生開心地道

釋曰諸佛者卽是千釋迦及千百億釋迦也化從眞起報尊化卑故呼云汝所說卽心地海遶流通故名爲轉顯法所屬故云我也一切衆生卽地前之衆是所被機也開心地道者機所獲益開謂開覺開發道卽是因意令然與心地菩薩開覺根機關發戒品以成佛因也又明此戒是心地之道路開令進涉耳又明心地有道此道通於佛果開

令行之此則以本心爲心地亦以戒爲道也二廣述

時蓮華臺藏世界赫赫天光師子座上盧舍那佛放光光告千華上佛持我心地法門品而去復轉爲千百億釋迦及一切衆生次第說我上心地法門品汝等受持讀誦一心而行

釋曰時卽告佛傳受之時蓮華臺藏世界卽所依國土謂界所依本是大蓮華臺含種刹及諸功德故云臺藏赫赫下明所依座蓋依中之別也師子座者佛能降魔無畏決定宣說由如師子師子所坐之座名師子座依主釋也天光者天上皆寶常放光明座以寶成故如天光或取淨光及自然之光爲天光也其光熾然故云赫赫盧舍那佛卽傳法主是正報也放光光者光非一故曰光光意在召衆表法故放光也下文釋迦亦數於此表法之義如下所明千華上佛者有曰是應十地之報身或恐未是余謂應二地菩薩之報身也以彼地行戒度增故見千佛故千百億釋迦者是應地前之

化身也一切衆生者卽是化身所教地前之衆也復轉者謂舍那親授千華報佛令報佛授與千百億化佛令化佛授與地前衆生故然於千百億下下務簡不言但云及耳次第下卽所傳法然次第之言通有三意一約能傳之佛是上轉義二約所化衆生不令遺棄故下云但解法師語盡受得戒等三約所傳法門卽文義始終二皆如舍那所說也汝等下令其受行不但傳言而已始終不易故曰一心此卽親教報佛遠屬餘生然光告兩字勢通離合合則光中演法離卽光後發言望下釋迦應當後義

自下第二明稟命傳通知宰臣受教敢順行文二初總明諸界多佛卽千百億世界釋迦也後別顯此界一佛卽我等本師釋迦牟尼也前釋迦中二初唯明一界後類辨除方前之中三初避席與供受法將辭

爾時千華上佛千百億釋迦從蓮華臺藏世界赫赫師子座起各各辭退舉身放不可思議光光皆化無

廣一作衆

量佛一時以無量青黃赤白華供養盧舍那佛受持上說心地法門品竟

釋曰爾時卽當舍那之傳法爾時千華等者準上文令千佛轉授千百億佛卽合此中唯明千佛千佛歸於淨土然後轉授化佛今與報佛同處者密顯報化二無礙等下偈文中亦同於此師子座起者各有所座之座故各各下避席將辭舉身放不可思議光者二佛身光皆如此光皆化無量佛者一一光中各有無量佛斯卽重化也一時者本末相兼以無量等者一一佛各以無量華供養也青黃赤白卽如是優鉢羅華波頭摩華拘勿頭華芬陀利華供養等者敬法重人令人重法故受持者領受寶持將傳未悟故竟者了也謂上來聞法辭退放光現化持華供養領受法門悉皆了也二潛形履虛旋歸本界
各各從此蓮華臺藏世界而沒沒已入體性虛空華光二昧還本源世界閻浮提菩提樹下
釋曰千百億不同故云各各體性等者所入定也



第一作原

三昧者正云三摩地此云等持平等持心專一境故體性虛空者由入定證知諸法悉無體性猶若虛空故謂圓成體性本自虛空無我法故又依他無實故云虛偏計都無故言空華光者將說華嚴皮心地戒故還本源等者闍浮化土則釋迦本邦暫往蓮臺故云還本闍浮提此云瞻部洲洲中有此樹故因立洲名菩提樹下者本是畢鉢羅樹以佛於其下得菩提故立此名耳然準義理合入定發通沒此還彼應云各各從此蓮華臺藏世界入體性虛空華光三昧而沒沒已還本源世界等令文倒耳又據前分報化之義即合云千佛還於淨土千百億佛歸於南闍浮提今不言者非此所要故文義不便故亦顯無二故若至而言之則舍那佛千百億佛是二無差別又準下八相例且合往天上化魔然後化生成於佛道今皆略也其傳受及法會等即廣於後前相影耳三遵成教敷廣利群生又二初出三昧從體性虛空華光三昧出

第一作原
無字

第一作耳

釋曰前於蓮藏欲歸故入今於樹下欲說故出斯則總相土中入正定別相土中從定起言總相者通染淨故言別相者但唯染故從彼至此既然自此之彼亦爾但文隱耳二說法門出已方坐金剛千光王座及妙光堂說十世界海復從座起至帝釋宮說十住復至闍天中說十行復從座起至第四天中說十迴向復從座起至化樂天說十禪定復從座起至他化天說十地復至一禪中說十金剛復至二禪中說十忍復至三禪中說十願復至四禪中魔醯首羅天王宮說我本原蓮華藏世界盧舍那佛所說心地法門品釋曰出已兩字義屬前科又連此段今從文耳有十一處十會法門初二合故初會中方者始也金剛座者佛本於此座成道今還於此座說法佛出即現法滅即沒今殘一分矣千光王者座嚴光發多而且勝故又佛放多勝光明故又如來法王放千光故然初義優耳妙光堂者華嚴云普光堂以寶成發妙光明無不照故又於堂中放難思光

一經字

徧十方故然此去菩提樹三數里許近故言及非謂樹下有此堂也既言其及自然不一說十世界海者華嚴經說華藏之外十方方有一海故又諸世界海有十種事得成立然以橫包多種豎容多界既深且廣立以海名第二會中帝釋者具云釋迦提婆因陀羅此云能天主能施善化為天主故即妙高山頂三十三天主也宮者爾雅曰室謂之宮嚴麗寬博不可悉談十住者即發心住治地住乃至灌頂等第三會中欲天者具云須夜摩此云喜時分隨時受樂故又此天用蓮華開合以明晝夜故又云亦蓮華開為晝白蓮華開為夜十行者即歡喜饒益乃至真實等第四會中第四天中者欲界第四天也梵音觀史多此云少欲知足後身菩薩為彼天主善化誘故十迴向者即救護一切衆生離衆生相乃至法界無量等第五會中化樂天者具云樂變化天樂自變化為宮殿等還自悅樂故十禪者即出家禪近善知識禪乃至通明禪等第六會中他化天者具云他化自在天宮殿等

事皆變化而得受用自在義十地者即歡喜離垢乃至法雲等第七會中禪者具云禪那此云靜慮此即色界四禪之初故立也十金剛者謂覺了三世一切諸法悉無餘等此十地滿將成佛位得金剛定方有所作發此十心照菩提心令無礙轉不為世道所壞能壞一切障等法故說此地名金剛心非是地前迴向心也被約欲入見道能伏二分別障此據將成佛果能摧一切相染名義稍同而意異也況麤細不同十地後說居然不疑第八會中十忍者準善戒經說性忍難忍乃至寂靜忍等第九會中十願者發菩提心經說菩薩發心大悲為首與十正願願我三世善根普施衆生迴向佛果乃至為陀羅尼之所守護等第十會中魔薩羅者具云莫薩伊濕伐羅提婆此云大自在天為四禪王是娑婆主統御諸天故也宮者有大宮殿隨身化生心地之義如前所明法門即菩薩戒也此戒是菩薩心地所修行法使能出生死界入涅槃界故號為門斯則以行為門若以教為門亦能

出三界苦但能所詮異其旨亦通然此心地法門
來自報佛淨土故指蓮藏舍那為本原也準華嚴
說唯七處九會不出欲界化樂一天全無覺樹與
光堂一定異其中法門多是菩薩所說所說之法
與此亦增減不同又彼皆不起樹下徧至餘處今
皆云起應是真化現異聞見乃殊不可和會後類
辨餘方

其餘千百億釋迦亦復如是無二無別如譬劫品中
說

釋曰曲分二節初正類所同處會言理無二無別
後指其說處可知

自下第二別顯此界一佛文三初依身起化天上
降魔二降德現生人間利物三戒均含識宜普受
持今初

爾時釋迦牟尼佛從初現蓮華藏世界東方來入天
宮中說魔受化經已

釋曰釋迦牟尼此云能仁寂默不住涅槃及生死
故初現華藏者約實即覺心初起心無初相處約

圓即十身初滿心正覺始成處流從源有化自真
流故今經文先按其本東方來者有曰此界在西
故意曰從報佛淨土中來今文但舉華藏總界不
言淨土如前顯彰無礙也若取所表東主於春發
生之首表依真起化此為其端天王宮者即欲界
第六天也說魔等者魔羅梵音此云殺者或云惡
意或云嫉妬謂不喜善者斷彼慧故佛將下生現
成正覺宣流正法化彼群蒙彼邪乖此故先伏之
彼聞言順故云魔受化經也應是此戒或即未來
初云爾時者是此等時也問本行等說將成正覺
然始降魔云何此中天上降魔然下成佛答天上
降者真實降也樹下降者示現降也故正法念經
說將成正覺放光召魔降訖送去餘說云云恐非
正義然降魔有十種意如雜華經說二降德現生
人間利物初文三初下生成道二傳法利生三生
所獲益今初

下生南閼浮提迦夷羅國母名摩耶父字白淨吾名
悉達七歲出家二十成道號吾為釋迦牟尼佛

當一作摩
知字

釋曰下生者入胎相也爲破諸天計有常故勝人
尙沒餘者奚在由是勸勵不復放逸迦夷羅國者
生處也其止云劫比羅伐率堵此云黃髮仙人住
處城卽是白淨王等兄弟四人所從之處本是彼
仙住處因立城名今爲國號耳摩耶此云大術本
行說釋摩男有八女小者賢當生聖子淨飯聞而
嫂之娶長及幼六餘則與三弟爲妃長曰鉢刺闍
鉢底此云生主大術生佛七日命終生天生主育
之名爲姨母今卽生身之母也悉達者具云薩婆
喝刺他悉陀此云一切義成世出世法無不解故
七歲出家相也三十成道成相也又有曰十九二
十五出家二十五成道然今七歲之言或則見聞
不同或則傳譯差謬然諸聖教說有八相此但有
三者嬰兒一相入胎所攝又云下生故七歲出家
不言童子苦行一相出家所收次卽說法是轉法
輪正明興化不說涅槃其具闕離合照然可悉餘
文可知二傳法利生文二初大覺弘慈已垂多化
後群迷扣聖起感又來前中二初橫指處會

於寂滅道場坐金剛華光王座乃至摩醯首羅天王
宮其中次第十住處所說時佛觀諸大梵天王網羅
幢因爲說無量世界猶如網孔一一世界各各不同
別異無量佛教門亦復如是

釋曰寂滅道場者佛得道處名曰道場生滅滅已
故云寂滅斯卽菩提樹也十住處如前所明略叩
兩端故云乃至時佛觀下明梵網經名所由謂梵
幢網孔大小方圓不同器界生界心形亦異佛教
被彼故有一三乘等差別梵網經名蓋因此立是
則於前十會中初一是所論世界後九是所論法
門後豎明往復

吾今來此世界八千返爲此娑婆世界坐金剛華光
王座乃至摩醯首羅天王宮爲是中一切大衆略開
心地法門竟

釋曰八千返者或增減一二等未必整數娑婆堪
忍且如常談然五濁之惡未若娑婆大聖加慈及
多垂祐竟者結上八千返事若文順合云吾今來
此世界八千返爲此娑婆世界是中一切大衆坐

金剛華光王座乃至摩醯首羅天王宮略開心地
法門竟後亦類爾過在譯人後群迷扣聖赴感又
來

復從天王宮下至閻浮提菩提樹下爲此地上一切
衆生凡夫癡闇之人說本盧舍那佛心地中初發心
中常所誦一戒光明金剛寶戒是一切佛本源一切
菩薩本源佛性種子一切衆生皆有佛性一切意識
色心是情是心皆入佛性界中

釋曰曲分四節初明所至處自化魔處之成道處
也二爲此下明所爲機地上者揀非天上無蓋聖
流輕微無德號曰凡夫愚鈍昏迷目爲癡闇或則
地上一切衆生是信行地凡夫癡暗之人是十信
已前之輩斯則地上不爲揀於天上然揀之者優
三說本下明所說法謂舍那本行菩薩道時於三
地四十心中最初發心即持此戒此戒大要故澤
迦傳之萬行之基故居三學之首矣光明等者從
用約論以制其名光明即戒用戒能資定能發
慧慧即光明從所發立名亦即具戒不行非善如

人有目日光明照故下戒如明日月小乘戒云譬
如有目人等故也金剛寶戒者戒之諭也諸惡不
能摧能摧諸惡故又光明金剛皆通體用思之是
一切佛本源等者應作元字是初首義也本因受
戒得爲佛菩薩故順途託於初步故故戒經云譬
如人毀足不堪有所涉毀戒亦如是不得生天人
尙不生止況佛菩薩又佛之三身自於三聚而得
此即可用源字三聚淨戒是三身之泉源故菩薩
修證三身果故亦以爲源耳此源最先故加本
字或卽一也文體容斯佛性者有二種一理性卽
如來藏二行性行性復二一本性住種性法爾本
有在本識中一類相續二卽習所成性卽發大心
後令本識中無漏種子體性增長種子者因義由
有理性苟異木石由本種致致招現習因此得佛
號爲種子四一切衆生下明所化意皆有佛性者
意曰菩薩以有佛性故持戒持戒故得爲佛菩薩
汝等既有佛性亦可持戒齊於上士然上云佛性
是行性行性卽戒也此言佛性是理性也理性卽

非戒文同意異慎勿濫之一切意識等者釋成可受戒之相意卽第七識卽前六色卽五根及根依處心卽第八此等和合方曰衆生是情是心者於上衆生中不揀高卑妍媸但論是有情是有心者皆入等者戒能防非通於三業攝所從能故名爲入又曰三聚戒中攝取衆生得名爲入以予之意謂一切衆生平等一性但由薰習便有行性種子故令普施戒律必得入於性戒性戒卽戒所習種由此得佛故名佛性性卽因義預於此流乃名爲入了義首不亦然乎後生所獲益

當常常有因故有當當常住法身

釋曰當卽當來當來不一故曰當當常有因者卽菩薩戒也謂初心堅確有始有畢故世世有因當當常住法身者戒之果也十地之中分分證得故曰當當又戒與法身各有三種由有律儀戒爲因故住眞如法身由有攝善戒爲因故住受用法身由有攝生戒爲因故住變化法身以各不一故皆重言言常住者凝然不斷相續如次是三法身皆

常住也或予意曰但若世世有戒爲因必當常住法身矣因果相望遲速在人類別不同故云當當也後均含識宜普受持

如是十波羅提木叉出於世界是法戒是三世一切衆生頂戴受持

釋曰波羅提木叉此云別解脫戒由制戒已戒法在身別別防非而解脫故廣如下釋出於世界者舍那誦出傳於釋迦釋迦奉教流於人代故是法戒者戒有軌則戒卽是法法能防非法卽是戒故是三世下勸持佛所流傳意在諸物聖果旣因斯得故宜頂戴受持意曰但是衆生皆合頂持也文不暢故本爲衆生有性故戒出戒故合物持也自下第二重頌文二初標出舉後正頌今初

吾今當爲此大衆重說十無盡藏戒品是一切衆生戒本源自性清淨

釋曰重說者望前八千返故亦卽望於長行故十無盡藏者十數表圓意彰無盡由此包攝故名爲藏一切衆生等者應云一切衆生自性戒本源清

淨謂從本已來一切染法不相應故染而不染所以今令持戒者性相異故方相契故不爾皆徒設故性相俱淨方成佛故或可物皆有分故云一切衆生戒本源自性清淨者戒性爲虛空故故下文云有緣非無因既屬因即是空義亦即是善品故後正頌文二初頌眞佛垂教後頌化佛傳通前中四初報從眞現

我今盧舍那

方坐蓮華臺

周匝千華上

復現千釋迦

釋曰能現所現乃相互耳舍那即自受用身也方者始義正義蓮華臺者表所證離染具德故周匝等者謂於眞佛四面周匝有千華圍繞他受用身各依而坐是應二地菩薩之身也言復現者復由重也舍那坐華已是一現今望於彼是第二重故云復也二化託報成

一華百億國

一國一釋迦

各坐菩提樹

一時成佛道

如是千百億

釋曰初偈明一華所現一華等者謂一四天下爲

國一佛主

一國百億四天下是一報佛爲國故云一華百億國每一國南洲現一釋迦故云一國一釋迦由是便成百億箇釋迦也各坐等者各各於本國南闍浮提樹下現成正覺並無前後故曰一時如是千百億者類餘華也一華之佛既能現百億釋迦餘九百九十九佛亦爾故成千箇百億也或可百億國佛是大化身若爾云何說是報身耶答但千華總取先報身若一一別論即是大化身若爾大化寧與彼同答但一一別明加行所見即是千大若干華總說二地所見其量即大化總爲體其義不殊但隨根衆所見別故斯則蓮華臺藏是自受用周徧千華是他受用一華百億國即大化身千百億釋迦即小化身準此則上文千百億釋迦之言含斯二化以同是化同應地前故合言耳若準傳法則自受用傳與他受用他受用傳與大小二化大小二化傳與地前異生但詳上文斯皆可見三謂本聽聞

盧舍那本身

千百億釋迦

各接微塵衆

第一作無

第二作無

俱來至我所 聽我誦佛戒 甘露門則開

釋曰初句是所謂之真佛次句即能誦之化佛次句明化佛神力接衆未必掌擎次句明主伴同誦從佛故須去機劣或不聞以是化佛所攝生故次句正受戒法佛所誦故是佛因故故名佛戒後句明說戒利益然甘露有二義故以論三戒能除飢渴以濟自他同攝善及攝衆生二皆得益能治疾病同於律儀斷諸惡行因此解脫戒即是門傳通受行即是開義亦可戒能出生死之熱惱納涅槃之清涼故用斯論耳四還歸傳受

是時千百億 還至本道場 各坐菩提樹

誦我本師戒 十重四十八

釋曰初三句明諸化佛各還本位後二句明通傳戒本本師戒者得自真佛故此約釋迦之言也戒即是師發本師故遺教有文此約舍那之言也依主持業二釋可知十重等相如下廣明後頌化佛傳通文二初舉群聖以勸持後顯同佛以勸持今初

戒如明日月 亦如瓔珞珠 微塵菩薩衆

由是成正覺 是盧舍那誦 我亦如是誦

汝新學菩薩 頂戴受持戒 受持是戒已

轉授諸衆生 諦聽我正誦 佛法中戒藏

波羅提木叉

釋曰初兩句明戒德圓滿謂內破無明外招欽敬又即是福慧二嚴也又律儀如日破暗故攝生如月使清涼故攝善如瓔珞善自莊嚴故次二句明戒用深廣即上句深即下句廣次二句明大人誦持上報下化皆大人也次二句勸令自利次二句勸令利他後三句敕令誦受不爾差謬無所利故佛法揀異邪魔戒藏表非經論備包衆德立以藏名顯非定道故云波羅提木叉也然此六節展轉而起詳之後顯同佛以勸持文三初勸令信大衆心諦信 汝是當成佛 我是已成佛常作如是信 戒品已具足 釋曰初句顯能信之心不容汎爾故云諦信次二句出所信境其由蘭菊時異而芳同耳後二句辨



信利益實信即心淨心淨即戒圓即行之信方是

實信也如起信中五行成於四信矣二勸令受

一切有心者皆應攝佛戒衆生受佛戒

即入諸佛位位同大覺已真是諸佛子

釋曰初二句普勸攝即受義前云當成即是語佛

性之體今言攝戒明佛性之用故下云但解法師

語盡受得戒是知云有心者言通意別耳除四句

釋勸所以但能受戒雖未成佛便入佛位如作沙

彌墮僧數亦如寡尤寡悔爲得祿之道位同大覺

已者牒次上之句此但位同非德用同亦如沙彌

雖預僧數而戒行未圓真是諸佛子者受佛戒故

佛口生故眞卽是嫡揀非外子及庶子也三勸令

聽

大衆皆恭敬至心聽我誦

釋曰可知

自下大文第二對緣正說分文三初略序源由二

對機正誦三結勸受持前中四初序成道時處

爾時釋迦牟尼佛初坐菩提樹下成無上正覺已

釋曰自往却還之時依眞而起化佛去蓮華藏而

居穢土隱實證而現假成也二序所結戒相

初結菩薩波羅提木叉孝順父母師僧三寶孝順至

道之法孝名爲戒亦名制止

釋曰曲分二節初辨相初結等者以是本戒法爾

合行故亦成卽結不同小乘至於後時因犯方制

菩薩波羅提木叉者表非二乘及定道戒故孝順

者愛敬從命之義此卽能孝順心下明所孝順境

父母者有生育之恩故須孝順現存者竭力供養

以發道心過往者戒善潛資咸令離苦又一切衆

生無非父母既具饒益卽成孝順又現無力因以

成佛無所不度爲大孝也師僧者揀非餘僧以有

訓導之恩故須孝順前是色身父母此卽法身父

母又前生其道器此乃生其道果故三寶者以有

拔濟之恩故須孝順謂非佛無以垂教非僧無以

弘道也至道之法者眞如法性也至爲至極萬法

由生揀非諸法故云至道之法今令離過契合名

孝順也餘義云云皆非正理問師僧豈非僧寶至

弘一作知
非一作異

道豈非法賢而重說乎答親受教誨故究竟所證故由是開之成四種境也二會名孝名戒者以一切衆生皆是父母既不於彼行殺盜等事而及生慈愛等心以此便能合於三寶之意又以符契眞如之理故也名制止者謂制善令行制惡令斷止卽唯令止惡明開密遮所以然也斯則戒與制止皆孝順之別名耳據此則一切聖教皆成孝順之義由是教字以文從孝文不爲孝卽非教故孝經曰夫孝德之本也教之所由生也三序口光表說

佛卽口放無量光明

釋曰舍那欲授釋迦旃檀釋迦將傳餘衆亦然然有二意一爲集衆通招有緣如擊鐘故二爲表法表法之意如下所明無量者卽大數也四序衆集聽受

是時百萬億大衆諸菩薩十八梵天六欲天子十六大國王合掌至心聽佛誦一切諸佛大乘戒釋曰曲分兩節初衆集是時口光徧照之時百萬

● 釋經

億大數如此未必定爾大衆者屬上卽數大屬下卽德大文雖屬下義通上下諸菩薩者卽下發心等十八梵天等者謂三禪各三四禪有九梵爲導首故特舉之六欲天者謂四天王等十六大國者謂央伽國等準下文意合兼四衆八部今無有略或則攝在其中無所遺矣此等見光知佛說戒殊方競驚同集道場二合掌下敬聽合掌者恭敬也至心者諦聽也一切佛者三世佛也大乘者揀非小乘斯則一切佛所說大乘之戒也亦卽此大乘戒是一切佛之本故以是佛本故名大乘自下第二對機正誦文二初總歎戒德後別誦戒相前中有二初明戒法玄妙後辨戒機宏廣前中二初約事所顯後勸總修學前中二初約人顯勝後約光顯勝今初

佛告諸菩薩言我今半月半月自誦諸佛法戒汝等一切發心菩薩乃至十發趣十長養十金剛十地諸菩薩亦誦

釋曰曲分爲二初約尊顯半月者其時若白月定